



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 2. In quonam consistant ideæ diuinæ.

[urn:nbn:de:hbz:466:1-77011](#)

Tractatus IX. De Deo uno.

poterit in mente diuinā. Ita Plato in Timaeo, ut affirmat August. lib. 12. de Ciuitate Dei cap. 26. Quocirca, inquit Vazq. 1. par. disput. 71. cap. 1. aut Aristot. Platonem non intellexit, aut ipsi magnē interpretatus est, ut liberius impugnaret, asserens posuisse ideas vnterseas qualiam naturas separatas, & per se iubstantes, quorum participatione singularia producerentur. A qua doctrina tanquam ab impositione Aristoteles vindicat etiam Platonem Scot. in 1. distinct. 35. quæst. vñica §. Istud videtur, & in 4. distinct. 50. quæst. 3. §. Respondeo, dicit, Augustinus loquutus de ideo, sicut Plato loquebatur, Platonem autem posuisse eas in mente diuinā. Vnde August. lib. 1. Retract. cap. 3. ait, Mundum intelligibilem, quem posuit Plato, esse rationem semp ternam, atque incommutabilem, qua fecit Deus sensibilem Mundum. Quam, inquit, qui negat esse, sequitur, ut dicat, Deum irrationaliter fecisse, quod fecit. Stat item pro 11. tone Seneca Epitola 65. egregie exponens doctrinam eius. Iti enim, post careras quatuor casas enumeratas ita proficitur. His quintam Plato dycit exemplar, quem ipse ideam vocat. Hoc est enim ad quod respiciens artifex id, quod destinabat, efficit. Nihil autem ad rem pertinet, utrum foris habeat exemplar, ad quod referat oculos, an inuisus, quod sibi ipse concepit, & posuit. Hæc exemplaria rerum omnium, Deus inira se habet, numerosque & numeris, quæ agenda sunt, & modos mente complexus est, plenus his figuris est, quas Plato ideas appellat immortales, immutabiles, infatigabiles. Itaque homines quidem pereunt, ipsa autem humanitas, ad quam homo effingitur, permanet, & hominibus laborantibus, iniercentibus, illa nihil patitur. Hæc Seneca.

Addit Augu. quæst. 46. citata, verisimile non esse, quod sapientes, qui ante PLT. nem exterruerunt, eumoci ideas non intellexerint, aut eas ignorauerint, Siquidem, inquit, tanta in ipsis vis constituitur, ut nisi, his intellectis, sapiens esse nemo possit. Memin t praterea August. eam lib. 14. de Ciu. cap. 25. lib. 5. de Genesi ad litter. cap. 13. & 14. lib. 65. quæstion. quæst. 26. Epist. 115. ad N. Bridum, & T. Act. 1. in Ioan. ad illud, Quod factum est, in ipso vita erat, ita exponens, ut sensus sit, quidquid Deus fecit in tempore, in mente ipsius per sui ideam vitam ab æterno habuisse, siue vitali modo existisse. Quam expositionem sequuntur Beda, Rupertus, S. Tho. & alij; sed probabiliter tantum. Nam ille locus alios modis legitur, & exponitur, etiam probabiliter. Tani certum autem censem August. ideas, quas rerum creandarum, creatarumque rationes appellat, in diuina mente contineri, quam certum est, Deum non irrationaliter Mundum hunc, & omnia contenta in eo creasse. Id quod pulchre cecinit Boet. lib. 3. de Consol. metr. 9. dicens.

Tu cuncta superno
Ducis ab exemplo pulchrum pulcherrimus ipse
Mundum mente gerens.

Posuerunt item ideas in mente diuinā Dionysius cap. 5. de Diuin. nomin. Instin. & Clemen. Alexand. vbi supra, Dicitur apud Euseb. lib. 11. de Præparat. Euangel. cap. 11. S. Tho. 1. par. quæst. 15. si peccare alibi; scribenque super illud ad Hebr. 11. Fide intelligimus aptata esse facultas Verbo Dei, ut ex inuisibilibus visibilia fierent. Ita exponit, ut ex rationibus idealibus in Verbo Dei omnis creatura fieret. Cui expositio confonat Anselm. ibidem.

dicens. Ex inuisibilibus facta sunt visibilia, id est, ex intellectuali Mundo visibilia. Invisibilis enim Mundus in sapientia Dei erat, & ad illius imitationem factus est iste visibilis. Eo nimis loquendi modo, quo Aristot. lib. 7. Metaph. text. 22. dixit, Sanitatem, qua est in materia, esse a sanitate, quæ est in anima Medici. Quo etiam pacto loquitur lib. 12. text. 24. Stat itaque certum apud Philosophos, Patres, & Scholasticos, diuinis existere ideas; easque quales describit August. lib. 83. quæstion. quæst. 46. iam citata dicens, Sunt namque ideae principales forma quædam, vel rationes rerum stibiles, atque incommutabiles, quæ ipsa formata rorunt, ut per hoc aeternæ, ac semper eodem modo se habeant, quæ in diuina intelligentia continentur. Et, cum ipse neque oriuntur, neque intereant, secundum eas tamen formari dicuntur omnes, quod oriri, & interire possunt, & omnes, quod oritur, & intererit. In quo vero consistant istæ diuinæ ideae, non ita certum, sed sub controversia inter Scholasticos est. Pro quo sit.

QVAESTIO II.

In quoniam consistant ideae diuinæ.

In hoc omnes consentiunt, ideas diuinæ non esse quidpiam extra Deum positum, ad quod ipse recipiens operetur, qua ratione artifex creatus sive operatur recipiens ad exemplar exterrum, ut ipsi imiteatur opere suo. Sed esse aliquid omnino positum intra Deum, suamque sedem habens in mente diuinæ. Id quod sibi vult August. lib. 83. quæstion. quæst. 46. dum ait, Has autem rationes ubi arbitriatum est esse, nisi in ipsa mente Creatoris? Non enim extra se quisquam positum intuebatur, & secundum id constiuitur, quod constituebat: nam, hoc opinari, sacrilegium est. Ceterum, quia in mente artificis secundum artem operatur duo sunt ab ipsa mente concepta, obiectum scilicet, quod sibi proponit imitandum, exprimentium per opus exterrum, quod molitor, & cognitio, qua illud sibi proponit: ex quibus secundum dicitur conceptus formalis; existensque est in ipsa mente, a qua concipiatur, existentia physica: primum autem dicitur conceptus obiectus; existensque est quatenus talis in ipsa mente, a qua concipiatur, existentia dumtaxat intentionalis, siue obiectiva. Totæ difficultas huius questionis stat in deremendo, an idea existens in mente Dei veluti Artificis supremi omnium rerum creatarum, & creatibilium consistat in conceptu obiectivo per ipsiarum creationem imitando, siue exprimendo, vel in conceptu formalis eius, vel in vitro. Quod si in obiectivo; an istud cum ipsa essentia Dei, vel potius cum creaturis ipsis sit identificatum realiter; & qua ratione.

Prima sententia ideas diuinæ creaturarum, in ipsis creaturis prout obiectiva existentibus in mente Dei secundum suum esse possibile consistere, docet. Ita Scot. in 1. distinct. 35. quæst. vñica. Ocham. ibid. quæst. 5. Gabriel. quæst. 5. artic. 2. Durand. distinct. 36. quæst. 3. Arriag. 1. par. dis. 23. sect. 4. & alij.

Secunda sententia longè communior ideas diuinæ

uias creaturarum in ipsa essentiâ Dei prout ali-
quo modo relata, seu comparata ad creaturas
confidere dicit. Quod tamen varie à varijs expo-
nitur. Alij enim ponunt rationem ideae creatu-
rarum in essentiâ diuinâ, in quantum hæc que-
dam similitudo est illarum ab eis imitabilis. Sic
S.Tho.1.par.quæst.15.artic.1. & 2. Et Thomistæ
communiter. Quorum multi similitudinem physi-
cam intelligunt, quam craturæ censemtr habere
cum essentiâ diuinâ titulo continentalis eminen-
tialis, qua secundum totam suam perfectionem
continentur in illâ. Alij rationem ideae creatu-
rarum ponunt in essentiâ diuinâ, in quantum ea-
re ipsa est illarum cognitio, atque adeò similitudo
de expressa non physica, sed intentionalis. Ita
Soar.disput.25. Metaph.fœt.1. & lib.3.de Attrib.
cap.5.Vazq.1.par.disput.72.cap.2. Tann.disput.2.
quæst.9.dubit.1.Gran.tract.7.de Scient. disput.1.
Martinoh disput.12.de Scient.fœt.4. & alij. Quæ
quidem sententia scientiæ diuina de creaturis ab
essentiâ Dei indistincte tanquam exemplari obie-
ctivo aliquo modo reflexè cognito, vt sicutque à
creaturis imitabili rationem ideae attribuit: non
vero tanquam mera propositioni alterius obiecti-
vi exemplaris. Alij denique rationem ideae crea-
turarum ponunt in essentiâ diuinâ, quatenus ea-
obiectum infinitum est dicens in cognitionem omni-
um factibilium à Deo, eoque modo repræsen-
tans, seu faciens per cognitionem ipsam repræ-
sentari creaturas intellectui diuino. Ita Smifing.
tract.3 dc De vno disput.2.quæst.7. & Quiros cum
alijs tom. I. de Deo in comment. quæst. S. Tho.
quæst.15.artic.1.num.8. Et sane diuinæ ideas in
ipsa essentiâ, sine entitate Dei aliquo modo sum-
pta ponendas esse, concors Sanctorum Patrum.
sententia est, vt testantur, multisque adductis
testimonij comprobant Ruiz disput.82.de Scient.
fœt.2. & Petauius lib.4. Theolog. dogm. cap.10.
& 11.

Tertia sententia, ideas diuinæ ex concepti-
bus formalibus simul, & obiectu in mente
Dei existentibus coalescere, censem, ex intellectio-
nibus scilicet, quibus Deus cognoscit creaturem à
se factibiles prout tales, & ex creaturis ipsis pro-
ut obiectu existentibus in mente diuina medijs
eiulmodi intellectuonibus. Ita Vekens tom. de
Deo disput.20. de Scient. cap.3. Carleton tom. I.
Theolog. disput.25. fœt.2. Oviedo controver.11.
Physic.punct.3.Lynce lib.4.Physic.tract.11.cap.2.
& alij. Qui, quatenus in intellectuonibus, quas
Deus à se realiter indistinctas habet de creatu-
ris possibilibus, rationem ideae ponunt, cum Au-
toribus secunda sententia prout illam ponenti-
bus in essentiâ Dei, censem, se conuenire: cum
Auctoribus autem prima, quatenus insuper po-
nunt illam in obiectu talium intellectuonum:
sicut omnes omnium sententias quadamtenus
conciliare. Ponunt autem hi Auctores rationem
ideas in intellectuonibus diuinis de creaturis fa-
ctibilibus, non, vt in exemplari obiectu, vt
ponebant Soar. Vazq. & alij relati num. 6. pro-
secundo modo dicendi, sed, vt in exemplari
formali, cuius munus dumtaxat est menti pro-
ponere obiectuum; putantes, ex utroque
componendum venire exemplar integrum, &
totale. Quid autem in hac controversia ego di-
cendum censem, sequentibus propositionibus
exhibeo.

Propositio 1.

Cùm Deus efficit creaturam, cogni-
tio diuina de creaturâ prout factibili, &
ipsa creatura ad tales effectiōnem con-
currunt mouendo, seu inducendo, seu di-
rigendo ad illam, vnaquaque suo modo;
cognitio quidem per esse physicum, crea-
tura autem per esse intentionale, sive obie-
ctuum, quod habent in mente diuinâ.
Nihil autem est, quod vetet asserere, con-
cursum creaturæ in sui effectiōnem causæ
exemplaris concursum esse. Vtrum au-
tem concursus cognitionis etiam causæ
exemplaris, vel conditionis causandi di-
cendus sit, quæstio est fermè de modo lo-
quendi.

Prima pars huius propositionis certa est
apud omnes. Quia nemo negat, neque negare
potest, Deum per cognitionem, quam habet de
creatulis prout possibilibus, atque adeò prout
à se factibilibus, dirigi, induci, moueri que ad
eas efficaciter decernendas, atque adeò efficien-
das; ipsamque proinde cognitionem in earum
effectiōnem influere. Nemo similiter negat, ne-
que negare potest, eiulmodi influxum cognitionis
principalis deriuari ab eius obiecto; atque ita
obiectum cognitionis esse, quod principalis, suo
tamen modo, & media cognitione sui dirigit, in-
ducit, & mouet ad sui effectiōnem, sicutque in
eam influit. Quandoquidem Deus impulsus,
attractusque à bonitate, quam cognoscit in
creatürâ ad illam volendam efficaciter, & con-
sequenter efficiendam se determinat. Quod ip-
sum est, creaturam à bonitate sua indistinctam
per sui cognitionem mouere Deum ad sui effectiō-
nem, sicutque in illam influere. Stat itaque cer-
tum, cùm Deus efficit creaturam, cognitionem
diuinam de creaturâ prout factibili, & ip-
sam creaturam ad tales effectiōnem concurrere,
sive in eam influere. Quæ est prima pars pro-
positionis.

Ex quo probanda venit secunda. Quia
quemadmodum bonitas creature prout cognita
à Deo, atque adeò per esse obiectuum, quod
habet in mente diuinâ, concurreat ad sui effectiō-
nem, atque adeò ad esse existentiale, quod postea
habet à parte rei concurru proprio causa finalis.
Ita forma, sive structura creature prout cognita
à Deo, atque adeò per esse obiectuum, quod
habet in mente diuinâ, potest concurrere ad sui
effectiōnem, atque adeò ad esse existentiale, quod
postea habet à parte rei, concurru proprio cau-
sa exemplaris. Quia, sicut facere rem taliter
bonam; quia propter tales bonitatem praienta
est, indicat causalitatem causa finalis. Ita
facere rem taliter formatam, vel structam, quia
cum tali formâ, vel structura est præconcepta,
causalitatem indicat causa exemplaris. Quod si
creatulis secundum esse obiectuum, quod habent
in mente diuinâ, ratio, seu quiditas causa exem-
plaris conuenire potest, de factoque subinde
conuenire censemenda est respectu ad esse existen-
tiale, quod accipiunt à parte rei, quando à
Deo efficiuntur; eodem pacto ratio, seu quiditas
idea venit eis adscribenda: quia idea, & causa
exem-

exemplaris in idem recidunt, ut constat ex dictis
quæst.¹

¹⁰ Id quod confirmatur primò ex ipsa etymologiā ideæ, quæ formam exemplarem sonat iuxta dicta ibidem. Munus autem formæ exemplaris potius obiecto cognito conuenit, quam cognitioni. Secundò confirmatur testimonij recitatis quæst.² Senecæ referentis sententiam Platonis, & S. Anselmi exponentis locum Pauli ad Hebr.³ A quibus ideæ diuinæ clarè ponuntur non in actibus scientia Dei de creaturis, sed in eorum obiectis. Quibus videtur consentire August. dum loco relato ibidem ait, ideas in diuinâ intelligentiâ conticeri: siquidem, quod continetur in intelligentiâ, non ipsa intelligentia est, sed eius obiectum.

¹¹ Sed contra hanc propositionis parrem obiicitur primò ex Soar. disput.⁴ Metaph. sect. I. supra citata num.⁵ Idem non potest esse causa sui ipsius, sed idea diuina est causa exemplaris creaturæ. Ergo idea diuina non potest esse idem cum creaturâ prout obiectuè existente in mente diuinâ. Distinguo maiorem. Idem secundum esse physicum non potest esse causa physica sui ipsius quoad idem esse physicum; concedo maiorem. Idem secundum esse intentionale non potest esse causa intentionalis sui ipsius quoad esse physicum; nego maiorem. Et concessa minore. Nego consequentiam. Vide id in fine; qui secundum esse intentionale, quod habet in mente illum cognoscens, & præterdicens, causa intentionalis est sui quoad esse physicum iuxta sententiam omnium. Nec potest ad rem dari idonea disparatas inter causam exemplarem, & causam finalē, ut tandem animaduertit ipse Soar. postquam cuperat ilam dare ibidem num.⁶

¹² Secundò obiicitur ex Vazq. 1. par. disput.⁷ cap. 2. Causa exemplaris est illa, ad cuius instar, ad cuiusve similitudinem effectus fit. Ergo de ratione causæ exemplaris est distinguere ab effectu, quem causat: quia nihil dici potest fieri ad instar sui, aut ad similitudinem sui. Atqui obiectum scientia, quam Deus habet de creaturâ, ipsissima creatura est: cognoscit enim illam clarissime, sicuti est in le, illaque proinde idem omnino est obiectuè in scientia diuinâ, quod est re ipsa in se. Ergo obiectum scientia, quam Deus habet de creaturâ, causa exemplaris ipsius creatura esse non potest, atque adeò nec idea eius.

¹³ Hoc argumento ductus Vazq singulariter in re præsenti alter de Deo, & alter de creato artifice philosophatur, attribuens quiditatem, & munus causæ exemplaris in mente quidem artificis creati conceptui obiectu; in mente vero Dei conceptui formalis. Eo videlicet, quod artifex creatus, ut ipse supponit, nunquam praconcipit eamdem rem artificiosem, quam intendit efficer, sed aliam sibi effingit ad similem illi, ad cuius normam illam facit. Quo locus superest, ut conceptus obiectus eius, ad quem solum, non ad formalem, respiciens operatur, vt pote distinctus à re facienda, ipsius possit esse, de facto sit causa exemplaris. At vero in Deo supremo artifice, quia conceptus obiectus, quem format de creatura titulo identitatis cum illa non potest esse exemplaris eius, alius est quærendum, quod tale sit: nihil autem aptius quam essentia diuina, prout est cognitio, atque adeò representatio creatura; quo titulo à creatura imitabilis est; ac proinde cognita à Deo ipsum inducit, sive dirigit, vt, ad similitudinem sui creaturam efformet.

Multa tamen in hac Vazq. doctrinâ mihi non placent. Censeo enim primo cum ceteris Theologis, non aliter impræsentiarum de artifice increato, quam de creato, philosophandum esse. Quia non est, cur causa exemplaris in increato sit alterius rationis, alteriusve essentie, quam in creato; tamque diversæ, ut in increato constat in ipsis cognitione prout cognitâ simili rei efficienda similitudine dumtaxat intentionalis, qua minus propria, ad remque inepia videatur esse iuxta postea dicenda; in creato vero constat in obiecto eius prout cognito simili rei efficienda similitudine physica, qua magis propria, & ad propositum citra omne dictum apta est.

Secundò censeo, falsum esse, quod artifex creatus nunquam praconcipiatur eamdem rem artificiosem, quam intendit efficer, sed aliam ei adsimilem. Nam, si sermo fit de artifice creato cognoscente per species alienas, vt nos homines pro statu præsenti concipiunt cuncta obiecta insensata; esto fit verum, conceptum ab illo formatum de re efficienda distinctum, diversumque ab ipsa re esse, vt pote formatum medio phantasmate sensibili subrogato pro illa iuxta doctrinam latè à nobis expostam in Pharo Scient. disput.⁸ quæst. 3. fallum tamen est, illum sub tali substituto conceptu non cognoscere rem eamdem, quam intendit efficer, sed aliam; quia pro eadem re à se efficienda, non pro alia, subrogat intellectus eius tale phantasma, eo quod eadem ipsa est, & non alia, quam medio tali substituto cognoscere intendit. Quemadmodum, quando credimus Angelum Gabrielem Beatisimam Mariam Virginem salutasse, ipsummet Gabrielem, non alium Angelum concipiimus, atque cognoscimus; tametsi illum sub phantasmate substituto cuiusdam pulcherrimi iuuenis concipiamus. Recognoscit totam doctrinam datam loco citato. Iam vero, si sermo fit de artifice creato cognoscente per species proprias, vt Angeli, & Beati cognoscunt pleraque eorum, quæ cognoscunt, tenendum procul dubio est, illum eamdem rem artificiosem, quam facere intendit, non aliam, prout facibilem à se præconcipere proprio conceptu: ipsamque met subinde prout in mente talis artificis causam sui exemplaris esse prout existens à parte rei. Universaliter enim omnis artifex idem ipsum, quod ad extra manibus efformare pretendit, prius ad intra mente sua prætendit efformare, non aliud. Quod adeò verum est, vt etiam, quando vtitur exemplari exteriori, vt eo iuuerit ad formandum aliquid illi simile, quemadmodum eonon iuueratur ad formandum manibus ipsummet, sed illud ei simile, quod prætendit; ita neque iuueratur eo ad ultimatum formandum mente ipsummet, sed illud ei simile, quod prætendit, ut tandem manibus exprimat ad extra idem ipsum, quod mente habet præconceptum ad intra.

Hinc censeo tertio, falsum esse, quod tanquam principium supponit Vazquez, totam doctrinam suam fundans in illo: nimurum, esse de ratione exemplaris obiectui distinguere ab effectu causando ab illo. Hoc namque dumtaxat est verum de exemplari obiectu exteriori, de interiori vero non item; sed potius oppositum; identificari videlicet cum effectu ab illo causando, quantum patitur modus cognoscendi, quem artifex illo viribus habet. Nec obstat, quod dici communiter soleat effectus exemplaris obiectui ad

ad instar illius, sive ad illius similitudinem fieri; quasi denotetur per id distinctionem inter exemplar & effectum. Primo; quia ut talis modus loquendi cum sufficiente rigore verificetur, tam est distinctione, sive diversitas status, quos eadem res habet prout exemplar, & prout effectus sui: cùm sit exemplar prout in statu obiectu[m] mentis artificis, effectus autem prout in statu existentiali reali. Secundo; quia vox *similitudo* in visu fatis communis non recusat identitatem realem: cùm dicant Theologi, Verbum diuinum procedere à Patre in similitudinem natura: tametsi eadem sit natura Patris, & Verbi: vulgoque dici solet, nihil esse cuilibet rei magis simile, quam ipsa sibi. Tertiò; quia praedictus modus loquendi fortasse introductus est circa exemplar externum, quod à suo effectu distinctum est, indeque minus causè extensus etiam ad internum. Certe Plato, Seneca, & Aristoteles hoc definiunt nullam inter ipsum, & effectum indicant distinctionem. Cùm dicat Seneca ex Platone, ut vidimis quæst. I. His quintam Plato adiicit exemplar, quam ipse ideam vocat. Hoc est enim, ad quod respiciens artifex id, quod destinabat efficit. Et Aristoteles, exemplar esse, in quod respiciens artifex operatur. Ex quibus patet, quid respondendum sit ad obiectiōnēm factam ex Vazq. num. 12. Quomodo autem etiam sit falsum, quod ipse, & alij cum eo citati num. 6. dicunt; scientiam videlicet diuinam de creaturis exemplar obiectuum earum esse, ex infra dicendis proposit. 3. constabit.

17 Tertia denique pars præsentis propositionis inde probanda venit; quia, semel statuto, quod scientia diuina de creaturis prout factibilibus, & obiectum eius prout tale ad causalitatem causæ exemplaris concurrunt, imo, quod concursus obiecti media scientia ipsa præstat, hac videbile concurrente per suum esse physicum, obiecto autem per esse intentionale, seu obiectuum, quod in mente Dei habet, quatenus repräsentatum, atque adeò prælens ibi factum per scientiam: hoc, inquam, toto de re ipsa semel statuto, utrum integræ causa exemplaris ex scientia, & obiecto componi dicenda sit; vel solum obiectum appellandum sit causa exemplaris, scientia autem conditio causandi non parum habere videatur questionis de nomine. Circa quam nos loquentes cum plerisque, ut oportet, rationem, causa exemplaris, atque adeò idea non soli obiecto, sed scientie simul adscribimus proposit. 5. modo ibi explicando.

Propositio 2.

18 Essentia Dei neutiquam est, aut esse potest idea obiectua creaturarum, prout ipsis creaturis physicè similis.

Est contra Thomistas illos, quos supra num. 6. pro primo dicendo modo commemoravimus. Probaturque facile. Quia de ratione ideae obiectu[m] aut est identitas cum effectu ab ipsa causando, quantum modis cognoscendi artificis patitur, iuxta dicta circa propositionem primam: aut saltem est exacta similitudo cum ipso effectu, talis ut minimum, qualis inter individua eiusdem speciei reperiri solet; perperam siquidem ad depingendam figuram hominis assumere quispiam pro exemplari figuram equi, aut arboris, aut lapidis; perperamque diceret quispiam,

Deum pro idea obiectua à se preconcepta habuisse naturam aut equi, aut arboris, aut lapidis ad formandam naturam hominis, ut est notissimum. Sed essentia Dei longè est dissimilior physicè creaturis, quam sunt dissimiles inter se quævis creatura specie diuersa, vt non minus est notum; longissimeque proinde absit, vt exactam similitudinem physicam cum illis habeat. Ergo essentia Dei neutiquam est, aut esse potest idea obiectua creaturarum prout ipsis creaturis physicè similis. Continentiam autem eminentiam, qua creatura dicuntur contineri in essentia diuina tanquam in causa, nullam eis similitudinem physicam cum illa præbere, aquæ cunctæ est notum. Quia continentia eminentialis effectus insu[m]a causa æquinocia, qualis est essentia diuina respectu creaturarum, potius supponit dissimilitudinem inter talem effectum, & talem causam, quam eis præberet similitudinem.

Sed obijci solet illud Genes. I. Faciamus 19 hominem ad imaginem, & similitudinem nostram.

Quasi per id significetur, essentiam diuinam esse ideam hominis. Respondeo primo, licet ita esset, non inde sequi, essentiam diuinam ideam esse caterarum creaturarum. Respondeo secundò, non ita esse. Quia per eam sententiam tantum intenditur significari, præstantius assimilari hominem Deo, quam assimilantur cateræ creaturae inferiores cum illo create, præfertim in gradu intellectui, rationalis, & liberi. Non vero significari intenditur tam exacta similitudo inter hominem, & essentiam diuinam, quam opus erat, ut hæc illius esset idea propriæ, & strictè sumpta. De qua in præsenti sermo est.

Quomodo autem S. Tho. citatus etiam num. 20 longè diuerso titulo, quam similitudinis physice cum creaturis, velit, essentiam diuinam esse ideam creaturarum, ex dicendis infra proposit. 5. constabit.

Propositio 3.

Essentia diuina neque est, neque esse 21 potest idea obiectua creaturarum titulo similitudinis intentionalis, quam dicitur habere cum illis, in quantum Dei sapientia, sive scientia de ipsis prout factibilibus est.

Hæc propositio est contra Soar. Vazq., & alios citatos supra num. 6. pro secundo modo dicendi. Motetur autem ad illam primò; quia de ratione exemplaris obiectiu[m], si non identitas iuxta dicta circa propositionem primam, saltem exacta similitudo physica cum suo effectu videtur esse: qualis haud dubie reperitur de facto in omnibus exemplaribus, quæ artifices creati usurpant ad sua artificiosa opera fabricanda: non enim poterit effectus dici cum veritate, prout debet, factus ad instar, ad similitudinemque exemplaris, si hoc sit illi physicè valde dissimile, atque adeò specie, aut etiam genere diuersum, ut satis ex se videtur notum. Sed similitudo intentionalis, quam scientia Dei de creaturis habet cum illis, tam magnam secum compatitur physicam dissimilitudinem cum eisdem, ut scientia, & creatura non solum specie, sed etiam genere sint diuersæ inter se, ut est certum. Ergo scientia Dei de creaturis titulo similitudinis

B B inten-

intentionalis, quam cum eis habet, exemplar obiectuum, sive idea obiectua earum esse non potest.

22. Secundò moueor; quia similitudo intentionalis, qua tribui solet cognitioni respectu obiecti, reuera nulla est: tribuitur enim a non bene apprehendentibus representationem obiecti, quam importat cognitionis, per modum representationis in similitudine physicae consistentis, qua imago externa materialis representare dicitur suum prototypum: cum tamen representatio cognitionis, seu potius presentatio aliud non sit, quam tractio quadam intentionalis, qua cognitionis ad mentem cognoscens obiectum trahit, illudque ipsi presentat, seu praesens ponit: in quo nihil prouersus similitudinis cognitionis cum obiecto interuenit.

23. Tertiò; quia, si qua similitudo sufficiens ad rationem idea obiectua inter cognitionem, & eius obiectum interueniret, cognitionis quavis creatae idea obiectua Dei esse posset ad eius obiectum efficiendum. Quod tamen à nemine dictum est: & videretur absurdum.

24. Quartò; quia, si cognitionis titulus representationis, seu notificationis, qua cognoscenti representat, seu notificat suum obiectum, posset cognoscenti deseruire pro idea obiectua ad ipsum obiectum efficiendum, etiam signum externum, sive vocale, sive scriptum, quod suo etiam modo representat, sive notificat cognoscenti obiectum à se significatum, ad tale obiectum efficiendum posset pariter cognoscenti deseruire pro idea obiectua. Quis autem non videt, quām sit impossibile, vt nomen hominis sive scriptum, sive prolatum exemplar obiectuum sit ad ipsum hominem efformandum. Stet ergo, essentiam diuinam, prout scientia de creaturis est, titulo similitudinis intentionalis, quam cum illis habere dicitur, ideam obiectuam eartum esse non posse, vt nostra propositio fert.

Propositio 4.

25. Essentia diuina neque est, neque esse potest idea obiectua creaturarum, quatenus est obiectum infinitum ducens in cognitionem omnium factibilium à Deo, prout dicunt Auctores pro quarto modo dicendi citati supra num. 6.

Est clarum; supposita doctrina statuta proposit. 3. Si enim essentia diuina, prout est cognitionis, atque adeò representatio actualis creaturarum, idea obiectua earum esse non potest, iuxta ibi dicta, multò minus poterit esse talis titulo obiecti inducentis, sive determinantis ad ipsam cognitionem. Etenim, etiò cognitionis de creaturis idea obiectua earum esset, adhuc essentia diuina quatenus obiectum determinans ad talem cognitionem, vt sive obiectum causans illam, causatione vt summum, non formaliter, creaturarum idea vocari posset. At, posito, quod dicta cognitionis non sit idea creaturarum, sicuti proposit. 3. statutum est, essentia diuina prout obiectum ad illam determinans ne causari quidem idea creaturarum poterit dici, vt constat; sive determinans ad illam ob connexionem cum creaturis, vt opinantur aliqui, sive ob continentiam eminentiam earum, vt alij putant, sive vt nos censemus prout ab intellectu diuino comprehen-

hensibilis iuxta latè exposita supra disput. 25. que st. 2.

Propositio 5.

Essentia diuina, in quantum est sapientia, sive scientia, sive cognitio actuialis de creaturis prout factibilibus, idea formalis earum dicenda est, constitutus nimurum simul cum obiecto suo, quatenus eius est propositio, tanquam cum idea obiectuā integrum ideam diuinam ipsarum creaturarum.

Consentio in hac propositione cum Auctori bus tercia sententia relata supra num. 7. Arbitrorque secundum illam interpretandos, ad ipsamque trahendos Patres, S. Thomas, & alij Theologi, qui essentia diuina prout ad creaturas factibiles comparata, sapientiae Dei, seu scientiae de illis rationem ideas creaturarum attribuunt. Probari autem potest huius propositionis doctrina primo ex August. Qui dicit lib. 8. 3. Question. quast. 46. Sæpeque alibi docet, ideas formas quædam, vel rationes rerum creendarum esse in mente Creatoris existentes, illam videtur indicare; quatenus per formas obiecta, per rationes autem tum ipsa obiecta, tum actus diuinae scientiae de illis videtur intelligere: siquidem ratio tum pro cognitione, tum pro obiecto cognitionis solet communiter usurpari; pro cognitione quidem, vt, cum dicimus, operari aliquem secundum dictamen rationis; pro obiecto autem, vt, cum addimus, posse illum de operatione sua rationem reddere. Quod vtrumque videtur coniunctio August. cum dixit loco citato. Restat, vt omnia ratione sint condita; nec eadem ratione homo, qua æquus: hoc enim absurdum est existimare. Singula igitur propriis creatae sunt rationibus. Distinctio siquidem rationum, quibus singula facta à Deo sunt, non ab actibus scientiae diuinae, quae ipsa sunt idem, sed ab obiectis eorum factibilibus desumenda venit; vt constat. Eamdem doctrinam planè supponit August. tract. 1. in Ioan. dum illud, Quod factum est, in ipso vita erat, per diuinias explicat ideas, iungens in illis cum vita diuinorum cognitionum earum obiecta prout in illis existentia obiectuē; idque declarans ab exemplo artificis creati faciens arcum visibilēm ad instar arcæ inuisibilis, quam habet in mente. Ait itaque, Faber facit arcum. Primo in arte habet arcum: si enim in arte arcum non haberet, non esset, unde fabricando illam proferret. Attende ergo arcum in arte, & arcum in opere. Arcum in opere non est vita; arcum in arte vita est; quia vivit anima artificis; ubi sunt ista omnia: antequam profertur. Sic ergo fratres charissimi, quia sapientia Dei, per quam facta sunt omnia, secundum artem continet omnia, antequam fabricet omnia: hoc, quae fiunt per ipsam artem, non continuè vita sunt; sed, quidquid factum est, vita in illo est. Terram vides; est in arte terra. Cælum vides; est in arte cælum. Solem, & Lunam vides; sunt & ista in arte. Sed foris corpora sunt, in arte vita sunt.

Secundò eadem doctrina propositionis ex 27. S. Tho. probari potest, quatenus 1. par. quast. 15. supra citata ex vna parte ideas diuinas creaturarum sæpe ponit in essentia diuina prout respiciente ipsas creaturas; ex alia vero parte idearum pluraritatem desumit à pluraritate ipsarum creaturarum.

turam quatenus intellectum a Deo. Quo diuinis ideas ex duabus videtur componere, nempe ex Dei essentiâ, in quantum est intellectio creaturarum, & ex ipsis creaturis, in quantum obiectum sunt in ipsâ Dei intellezione. Dicit itaque artic. 2. in corp. postquam statuerit ut certum, in mente diuina esse plures ideas. Hoc autem quomodo diuina simplicitati non repugnet, facile est videre, si quis consideret, id est operari esse in mente operantis, sicut, quod intelligitur, non autem sicut species, qua intelligitur, quae est forma faciens intellectum in actu. Forma enim dominus in mente adiutorialis est aliquid ab eo intellectum, ad cuius similitudinem dominum in materia format. Non est autem contra simplicitatem diuini intellectus, quod multa intelligat; sed contra simplicitatem eius est, si per plures species eius intellectus formatur. Vnde plures idea sunt in mente diuina ut intellectus ab ipso.

²⁶ Tertio probanda ratione est propositionis nostra doctrina. Et primum, quod idea obiectus creaturarum sint ipsæ creature secundum esse obiectuum, quod habent in mente diuina media scientia, quæ prout faciles cognoscuntur a Deo, per ea, quæ diximus circa proposit. 1. maner sufficienter probatum. Insuperque confirmari potest ex communi doctrina multorum Patrum, atque Philosophorum, quorum testimonia refert Petavius lib. 4. Theolog. dogm. cap. 10. & 11. duplum Mundum cognoscendum, Cœlumque duplex, ac Terram duplum, & cetera propinde duplia: alterum intelligibile, & sub aspectu non cadens, scilicet quantum ad esse obiectuum, quod habet in mente diuina; alterum externum, & aspectabile, quantum ad esse videlicet existentiale, & physicum, quod habet a parte rei. Quo plane suppontur, Mundum illum intelligibilem, partemque eius intelligibiles ideas obiectivas esse, quibus Deus ad istum visibilem Mundum cum suis partibus fabricandum directus est.

²⁹ Deinde, quod actus scientie diuinæ ad creaturas, prout faciles terminati sint idea formales ita, ut ex eis, & ex obiectu integræ totaleque creaturarum resurgent idæ, probatur. Quia, proprium mutuus integræ, & totalis idea est dirigere artificem ad conformandum suam operationem, & opus cum idea ipsa. Sed talis directio tum ab obiecto, quod proponitur imitandum, sive exprimendum per opus exterrnum artificiosum factum, tum a cognitione, per quam proponitur, prætitatur; a cognitione quidem proponendo, & quasi mentaliter formando id, quod per opus exterrnum imitandum, seu exprimendum est; ab obiecto autem sese imitabile, seu expressibile obiciendo, sive probando. Igitur integræ, & totalis idea ex obiecto imitabili, seu expressibili, ex cognitioneque illud proponente coalecit tanquam ex diuabus ideis partialibus altera obiectiva, & altera formali. Et consequenter actus scientie diuinæ ad creaturas prout faciles terminati ita sunt formales idæ, ut ex eis, & ex obiectu integræ totaleque creaturarum resurgent idæ. Quod erat probandum.

³⁰ Dices. Id solùm dicitur exemplar, atque adeò & idea, quod artifex intendit imitari. At non intendit imitari conceptum formalem, sed tantum obiectum. Ergo solus hic exemplar, atque adeò & idea venit dicendus. Distinguo maiorem. Quod artifex intendit imitari tum per opus artificiosum, tum per ipsius effectiōem; conce-

do: per solūm opus artificiosum; nego. Deinde minorem. At non intendit imitari conceptum formalem per opus artificiosum; concedo: per ipsius effectiōem; nego. Et nego consequentiam. Itaque, quemadmodum exequens, quod præscribit lex, aut dictamen rationis, non solūm conformiter ad opus præscriptum, sed etiam conformiter ad legem, aut dictamen dicitur operari; quatenus id ipsum exequitur, quod dicit, sive præscribit lex, aut dictamen. Ita, qui facit opus artificiosum, non solūm exemplari obiectivo, quod ars proponit, sive præscribit, sed ipsi arti dicitur conformari; secundum artemque, sive secundum regulas artis operari, quatenus id ipsum exequitur, quod ars, sive artis regula, quæ cognitiones sunt operis artificiosi efficiendi, dictant, sive præscribunt.

Sed dices rursus. Causa finalis integra solum bonum propositum per cognitionem est; non verò aggregatum ex ipso bono, & cognitione: hæc enim tantum est conditio causandi; tametsi bonum aliter, quam media illa tanquam applicatione quadam sui ad causandum, finaliter causare non possit. Igitur causa etiam exemplaris solum exemplar obiectuum propositum per cognitionem est; non verò aggregatum ex ipso exemplari, & cognitione: hæc enim tantum erit conditio causandi; tametsi exemplar aliter, quam media illa tanquam applicatione quadam sui ad causandum, exemplariter nequeat causare. Non desunt qui negent antecedens, putantes, causam finalē ex bono voluntari proposito, & ex cognitione proponente ipsum confari. Ita enim docet Lynce in sua Physica tract. 10. cap. 2. Sed ego, concilio antecedente. Nego consequentiam. Est enim discrimen ad rem inter causam finalē, & exemplarem: quod causa finalis mouet per modum cuiusdam consequibilis ab operante propter ipsam. Solum autem bonum propositum est consequibile ab illo, non iterum eius propositio, quæ iam habetur. At causa exemplaris mouet per modum cuiusdam imitabilis ab operante secundum ipsam. Non autem solum exemplar obiectuum, sed eius etiam propositio suo modo est imitabilis ab illo; prout explicatum est.

QVAE STIO III.

Quenam alia circa diuinis ideas determinanda restent.

Dico, quæ per quæstionulas sequentes proponentur, & definitur.
Quæritur enim primò. Vtrum in Deo sint plures idæ. Dicendum est, esse plures. Id enim docent August. verbis relatis supra num. 26. & alij Patres; S. Thom. loco citato num. 27. & ceteri Theologi. Quorum, qui censem in solis actibus scientie Dei diuinis ideas confondere, communiter ponunt eas inter se distinctas, & plures dumtaxat per rationem. Deberent tamen illas ponere realiter inter se distinctas, & plures, qui ex ijs actibus diuinis complent per connotata extrinseca, ut Vazq. & alij. Siquidem iuxta horum sententiam actus scientie de creaturis prout possilibus, in quibus ideas ponunt, præter diuinis formalitates realiter identificatas cum Dei essentiâ, & inter se, ipsas creaturas possibles claudunt de con-